

Te whakangungu mema poari hou



Nā te mōhio he piki mai, he haere atu ngā mema poari, te tikanga kia takatū ngā poari katoa kia pai te pōwhiri ki ngā mema hou, ahakoa te wā.

Ehara i te mea he aha mehemea i piri mai i muri i tētahi pōtitanga (ahakoa piri ā-toru tau, ā-waenga tau, ā-ākonga rānei), pōti motuhake rānei, tīpakotanga rānei, kopounga rānei, inoinga nā te poari rānei.

Me pānui haere tonu mō ētahi whakaaro mō te whakangungu i ō mema poari hou i roto i tō rātou tūranga whakaruruhau.

Me āta whakarite kia whakakī ngā mema hou i te puka [Ngā Whakahoutanga Poari Kura](#) hei whakamōhio i a mātou me te Tāhuhu o Te Mātauranga kua eke mai rātou ki tō poari.

Waihoki, me maumahara ki te whakahou i tō rēhita mema poari. Kua whai rēhita kē pea koe, tīkina ake rānei tā mātou [tātauira rēhita mema poari](#).

Ka pēhea pea te āhua o tō hōtaka whakangungu?

Ka ahu mai ngā mema poari i ngā momo horopaki maha, ā, he huhua ngā taumata mōhiotanga, wheako i waenga i a rātou.

Mō te tini o ngā mema poari hou ka tīmata mai i te kore, kāre kau he wheako o te noho hei wāhi o tētahi mema poari.

Ka āwhina ngā mema kua eke kē ki te poari kia mārama rātou ki ō rātou haepapa hou kia rere rōnaki ngā mahi katoa.

I a koe e hoahoa ana i tō hōtaka whakangungu, me tīmata koe ki te whakaaro mō ō wheako o mua:

- He aha ngā mea he pai kua mōhio kē noa atu koe i tō tīmatanga?
- He aha ngā mea i whai hua o tō whakangungu, me ngā mea kāore i whai hua?
- He aha ngā mea e tika ana kia mōhio ngā mema hou inamata?
- He aha ngā mōhiotanga me tukutuku ā-wāhanga ki a rātou?

Me mōhio ngā mema poari katoa ka noho rite tonu ngā haepapa poari ahakoa ngā panonitanga mema.

Koia i hira ai kia āta tuhia te hātepe whakangungu o tō poari, kia pai ai, kia mārama ai te katoa o te poari, kia rite tonu mō te whakamahi.

Tērā pea he hātepe whakangungu tā tō poari ināianei, ka taea te tiki ake rānei i tā mātou [tauirā hātepe whakangungu mema poari](#).

He aha ngā mōhiotanga e tika ana kia tukua e koe ki ngā mema poari hou?

Me tīmata mā te pōwhiri i (t)ō mema poari hou, ahakoa mā te reta, ahakoa īmēra, kōrerorero poto rānei.

Me whakauru tētahi rā whakangungu huatau, ngā taipitopito o te hui poari e whai ake ana, me ngā mōhiotanga whakapā mō te mema whakaruruhau me te tumuaki o te kura.

Mā tēnei mahi ka kī rātou i whakamōhiotia rātou, ā, i mihia, mai i te tīmatanga.

I muri atu i tēnei, hoatu he mōkihi whakangungu kei tōna hōputu pai mō tō poari – ahakoa i roto i tētahi kōpaki pepa, i tētahi tomokanga tuihono rānei pēnei i Google Drive.

Te tikanga ka uru ki roto ngā mōhiotanga katoa e tika ana kia pai ai te tīmata o ngā mema hou:

- Ngā mema poari o nāianei me ō rātou taipitopito whakapā
- Te hōtaka hui a te poari
- [Te rārangi whanonga pono mō ngā poari kura](#)
- Te anga komiti o te poari me ōna tohanga mana
- Tō rautaki ā-tau, tae atu ki te mahere whakatinana ā-tau
- Tērā pūrongo ā-tau
- Ngā kaupapa here katoa o te kura - ahakoa whakaruruhau, ahakoa whakahaere (he tomokanga rānei ki ēnei kaupapa here, mehemea kei te tuihono tonu)
- Ngā meneti me ngā puka taunaki mai i ngā hui poari e toru ka hipa ake
- Te rārangi pūtea o nāianei
- Te pūrongo hou rawa a Te Tari Arotake Mātauranga mō tō kura
- Te hōtaka arotake ā-toru tau a te poari
- Ētahi atu kōrero hāngai katoa

Ka taea hoki e koe te tiki ake tā mātou mātārere [aratohu mema hāpori mō te wāhi ki ngā mahi o ngā poari kura](#).

He aha ētahi atu mea whai take mō tētahi mema poari hou?

Ka taea pea e te tumuaki te whakarite hīkoi i roto i te kura kia mōhio ai ngā mema katoa ki ngā whanaketanga papawhenua me te whare o te wā, ngā wero mō te hauora me te haumarū, me ērā atu mea hāngai.

Me mōhio hoki ngā mema poari hou [ki te kore rātou e tau atu ki ētahi hui pūputu e toru, kāore he whakaaetanga mai i te tuatahi](#) o tō poari, ka wātea tonu atu tō rātou tūranga.

Me whakarite tikanga e whakakī ai ō mema hou i te puka [Whakahoutanga Poari Kura](#), ā, ka mōhio hoki ki tō mātou [pae tukutuku](#), [Pūtahi Rauemi](#), me ngā [whāinga wāhi ki te ako](#).

He aha ngā āhuatanga ka puta i muri i ngā pōtitanga ā-toru tau, ā- waenga rānei?

Me ka taea e koe te whakahuihui tō poari i muri tata iho, ko te painga atu tēnā.

Ka eke ō mema poari hou ki ō rātou tūranga e 7 rā i muri i te katinga o ngā whakaingoatanga (mō tētahi pōti kāore he pōtitanga), e 7 rā rānei i muri i te pōtitanga.

Ehara i te mea me noho tō huinga tuatahi i muri hei hui poari whai mana tuatahi mōu.

Me āta whakawhanaunga, me whakawhiti kōrero, me whakapakari hononga.

Mā ēnei mahi ka taea e ngā mema hou te āta noho tahi, ka uru hoki he pūtake pakari mō te mahi tahi.

Anei e whai ake nei ētahi kaupapa kōrerorero hei āwhina:

- Ko wai mā ō tātou mema hou, nō hea rātou, nō hea ō rātou whānau rānei?
- He aha rātou i piki mai ai ki te poari?
- He ngā ngā pūkenga, te mōhiotanga me ngā wheako ka taea e rātou te tiri mai ki a mātou?
- He aha ngā mea ka taea e ā mātou mema te whakaū ka mahia e rātou, he pēhea tēnei e whakahāngai nei ki ō te tūranga whakaritenga?
- Me pēhea tātou e whakarite ai kia noho ngā uara o tō tātou kura hei kahupapa mō te pēheatanga o te whakaruruhau o tō tātou poari?
- Kei te mārama ngā mema poari katoa me ū rātou ki te rārangi tikanga whanonga pono?
- Ko tā tā mātou mahere rautaki he tūtohu i te ara hei whai - kei te mārama ngā mema poari katoa ki te ara e haere atu ai tātou ki reira, me ngā mahi e tika ana kia mahia hei whakatutuki i ō tātou whāinga o nāianei?

Mā te huihui tahi ka whakawhanaunga ngā mema poari i mua i tā rātou [kopou i tētahi mema arataki](#) i te hui whai mana tuatahi a te poari.

Āhea me arotake e koe te hōtaka whakangungu?

E mea ana mātou me arotake te hātepe mō ngā mema hou i muri i te toru marama i tō poari.

Me uru pea ki tēnei arotake ēnei āhuatanga:

- I āta pōwhiritia koe ki te poari?
- He aha ngā mea me whakarerekē e mātou kia pai ake ai tēnei hīkoi?
- I whiwhi koe i ngā mōhiotanga katoa e tika ana i te wā tika?
- Ki a koe, i whai hua te whakangungu i te taha o te tumuaki me te poari?
- Ki a koe, nā te whakangungu i kaha ai koe ki te noho i tō tūranga whakaruruhau?
- I āta pōwhiritia koe ki te poari?

Ngā pātai pea mā te poari

- He hātepe whakangungu tā tātou mō ō tātou mema poari hou?
- Kua āta tuhia māiretia e ātou?
- Kohikohi ai, whakamahi pūputu ai tātou i ngā urupare hei arotake, hei whakapiki i tō tātou hātepe?

Ngā tātauirā, ngā rauemi me ngā tohutoro

Pāwhiritia te (ngā) hononga i raro iho nei kia uru ki ngā tātauirā, ngā rauemi me ngā tohutoro o tēnei kaupapa.

Kei te āhua tonu o tō pūrere, ka tīkina ake, ka tuwhera rānei i tētahi atu pūtirotiro.

He hononga mai i a mātou

- [Paetukutuku](#)
- [Taura hātepe whakangungu mema poari](#)
- [He aratohu mā ngā mema hāpori mō te wāhi ki ngā mahi o ngā poari kura](#)
- [Taura rēhita mema poari](#)
- [Pūtahi Rauemi](#)
- [Ngā Whāinga Wāhi ki te Ako](#)

Te Tāhuhu o Te Mātauranga

- [Te rārangi whanonga pono mō ngā poari kura](#)

- Te puka mō [Ngā Whakahoutanga Poari Kura](#)